



Khutba Jummah

HADHRAT MUHYI-UD-DIN AL-KHALIFATULLAH
Munir Ahmad Azim

29 Septembre 2017
(08 Muharram 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor « Duahs (Partie 1) »:

وَإِذَا سَأَلَكَ عِبَادِي عَنِّي فَإِنِّي قَرِيبٌ ۖ أُجِيبُ دَعْوَةَ الدَّاعِ إِذَا دَعَانِ ۖ فَلْيَسْتَجِيبُوا لِي وَلْيُؤْمِنُوا بِي
لَعَلَّهُمْ يَرْشُدُونَ

Wa 'izha sa'alaka 'ibadi 'anni fa'inni qaribun 'uyibu dawatad da'i 'izha da'aani falyastayibu li walyuminu bi la' al-lahum yarshuduun.

Kan Mo bane serviteurs demander à propos de Moi, dire zot: 'Mo bien près. Mo écoute la prière de celui ki invoque Moi. Alors zot aussi bizin écoute Moi. Zot bizin amène la foi lors Moi, pour zot capave vine lors chemin droit.' (Al-Baqara 2: 187).

Azordi nous le 8^{ème} jour de Muharram 1439 Hijri. Nous, bane musulmans, nous bizin content ki Allah (swt) fine donne nous, nous l'année Islamique et mentionner dans Quran et Hadiths ki sa c'est ene mois béni, kot Allah (swt) fine mentionne sa bien dans Quran Shariff ki ena 4 mois béni pour bane croyants et bizin ena la paix dans sa bane mois là. Faudé pas ena la guerre, dispute inutile, tipti tipti zaffaires faire sa vine ene longueur et disputer pour nannié kot tous sa là pas faire Allah plaisir. Attention! Pas

faire Allah (swt) en colère avec nous pour bane zaffaires banales. Nous bizin concentrer beaucoup lors nous bane actions ki nous pé faire sipa li pour Allah seul ou sois pé faire show pour montrer lizié dimounes.

Mo demande tous bane frères et sœurs en Islam faire beaucoup *duahs*, demande l'aide d'Allah et unir nous, pas diviser. Mo demande zot, écoute séki mo pé dire zot. Prend sa Muharram là ziska l'autre Muharram 1440 Hijri - croire moi bane frères et sœurs - beaucoup zaffaires pour arriver à travers le monde entier: bane tremblements de terre, inondations, beaucoup dimounes pour perdi zot la vie, crimes atroces, la guerres (nations contre nations), disang pour couler kot pou ena disang beaucoup bane innocents pour couler. La corruption pour faire fracas dans plusieurs pays; bane puissants pou faire dominère avec bane faibles, et aussi l'Islam en danger. C'est-à-dire, bane musulmans zot la vie en danger surtout kot ena bane minorité.

Ô bane musulmans et bane pays musulmans! Écoutez, prend compte de nous bane frères et sœurs musulmans ki pé souffert. Nous unir nous. L'union faire la force. Pas laisse nous diviser. Oublier nous bane divergence. Séki pé vini pli devant pour bien atroce, bien dure. Pas la guerre entre nous. O bane pays Arabe ki Allah fine donne zot la richesse, guette zot bane frères et sœurs de même la foi (religion, Islam) et pas rentre dans la sauce de bane les autres pour touye ou bane frères et sœurs de même la foi ki ou.

Mo demande zot commence prend compte et compté, prend dépi le 1^{er} Muharram de sa nouvo l'année 1439 Hijri ziska so la fin; alle écrire combien kitchoses pour arriver à travers le monde entier et même bane ti l'îles et même l'Océan Indien pas pou sapé are punition divine avec so bane grand tremblement de terres, inondations, bane grands la guerre ki pou difficile pou arrêter. Croire moi séki mo pé dire zot.

Ô bane musulmans et l'humanité en générale. Prend précaution de zot bane nourritures aussi. Acheter, garder, préserver. Et lotte zaffaire ki pou touye l'homme, c'est bane maladies, virus ki pour faire ravage ki pour mortel. Prend précaution bane frères et sœurs. Faire *duahs* beaucoup. Faire zot bane *Salaat/ Namaz* (la prière) régulièrement et en plus de sa, faire beaucoup bane *Salaat Nafil*. Rempli zot la vie avec *duahs*. Tourne vers la religion, lire Quran et tire beaucoup *Sadqua* (la charité), parski sa pour ene épreuve ki pou touche toute l'humanité.

Change nous la vie dans ene façon bien positif ki pou attire le plaisir d'Allah et non pas So colère. Attache nous plisse avec *Deen* (la religion - l'Islam), avec Allah. Seul Allah ki capave sauve nous de sa bane grand grand calamité là. *Insha-Allah*.

Ô bane frères et sœurs! Vine pieux! Gagne *Taqwa* (la crainte d'Allah). Vine humble, pas vine arrogant, ni avare, ni vantard. Pas faire bane kitchoses ki Allah pas content. Faire séki Allah (swt) content et ki Allah content avec nous, avec tous nous bane actions, d'ene seul la voix, d'ene seul lé corps de l'Islam. Nous tous nous tourne vers Allah ensemble pour ki Allah épargne sa bane grand grand calamité et tous séki nous fine dire là et l'humanité en générale, reconnait la Lumière Divine, le message divin et reconnait Allah So Messenger de sa l'époque là. *Insha-Allah*, Allah donne moi *Tawfeeq* pour cause lors sa sujet très bientôt plus lor vidéo à tous bane musulmans et à tous nous bane membres du Jamaat Ul Sahih Al Islam. *Insha-Allah*.

Donc, couma zot tous conné ki nous dans le mois béni de Muharram. C'est ene mois rempli de bénédictions et de faveurs divines, kot nous bizin maximize nous létemps dans *Ibaadat*, *Insha-Allah*.

Faudé pas nous perdi sa bane bénédictions et bane faveurs divine. Faudé pas, ki kan nous fine emprunte le chemin de la réforme spirituelle, nous prend tous bane mauvais ki Shaytaan pé tente nous et nous perdi partout, perdi bane bénédictions, faveurs, grâces divine et plus grave encore, nous perdi Allah (swt).

Donc, faudé pas nous perdi nous Rab. Nous capave perdi tous bane bien de sa le monde temporaire là, mais pas perdi Allah (swt). Si Allah avec ou, bé tout avec ou, même bane bien mondaine, mais si Allah pas avec ou, nannié pas avec ou, malgré ki ou croire ou possède bane richesses énorme; tous sa là temporaire sa, et dans ene fracture seconde, Allah capave faire tous sa là *fanna-finna* (c-à-d, détruire tout). Ou perdi lors la terre et dans *Aakhérat* (l'autre monde) et séki pli grave comme ene musulman, ou fine perdi Allah aussi. Allah fine alle loin de ou à cause ou fine tenté de côté Shaytaan plisse, ou fine alle attirer de tous kitchoses ki li faire paraite joli pou faire ou dévié de Allah (swt) et du droit chemin. Par contre bane ki maintenir zot fermement lor le droit chemin, zot toujours préserve bane acte d'adoration ki Allah fine ordonne zot pou faire et zot pas oulé perdi Allah, c.-à-d., zot oulé gagne Allah même comme zot récompense. Au contraire, couma zot fine gagne Allah même comme récompense, zot profite tous pour demande à zot Rab pareil couma ou pou prend conscience de sa verset Quran ki mo fine lire devant ou là dans Surah Al-Baqara.

Si ou lire le Quran Shariff même, ou pou trouver ki Allah (swt) même fine enseigne nous beaucoup *duahs* pour nous demande Li et aussi kan ou pou lire bane Hadiths et Sunnah de nous bien-aimé prophète Hazrat Muhammad (saws), ou pou trouver commié *duahs* ki li fine enseigne nous ki essentielle dans nous la vie de tous les jours, et aussi avec l'arrivée de Hazrat Massih Maoud - Mirza Ghulam Ahmad (as), li aussi li fine enseigne nous certains bane *duahs* dans so bane livres, bane tels *duahs* ki Allah fine révèle li, et

nous chanceux nous fine accepter Hazrat Massih Maoud (as) kot nous gagne ene plus dans nous la vie spirituelle.

Par exemple, ene révélation ki Hazrat Massih Maoud (as) fine recevoir à propos l'importance de *duah*, li trouve dans so livre Tiryaqul Quloob, page 70. Li comme suite: « *Dire zot ki mo Allah pas prend zot compte si zot pas faire duah.* » Et dans ene l'autre place encore, Hazrat Massih Maoud (as) recevoir sa révélation là: « *Alors ki sanlà sa Celui ki écoute duah de tous bane dimounes ki dans le besoin et zot appelle Li?* »

Et dans so livre, Aïna Kamalat-e-Islam, kot Allah révèle Hazrat Massih Maoud (as):

ادْعُونِي أَسْتَجِبْ لَكُمْ

Ud' uni astajib lakum

« *Appelle Moi, Mo pou accepter to bane duahs.* »

Donc, ki kalité chanceux nous chanceux et pli grand z'arme ki Allah fine donne nous, c'est pas bane z'armes destructif, kot pé servi pou touye dimounes innocents tel couma bane bombes et pé faire ene tel action ki pé donne ene mauvais image à l'Islam kot ena dimounes pé croire ki l'Islam ene religion de terroriste kan l'Islam c'est ene religion de paix et soumission à ene Dieu Unique.

Donc, mo vine lor mo sujet de *duah* kot ene croyant bizin profite beaucoup de sa. Ene croyant li bizin vine couma ene poisson ki pas capave passe sans de l'eau. Sans de l'eau li mort et ene croyant sans *duah* li mort spirituellement. *Duah* garde ene croyant toujours vivant et *duah* c'est ene très grand z'arme pour ene croyant. Allah (swt) même fine faire nous comprend dans Quran Shariff:

اللَّهُ خَيْرٌ حَافِظًا ۖ وَهُوَ أَرْحَمُ الرَّاحِمِينَ

Allahu khairun hafeezan wa huwa Arhamur-Rahimeen

Allah même le meilleur des protecteurs et Li-même le plus Gracieux.

Donc, nous faire sa bane duahs là:

رَبِّ أَرِنِي كَيْفَ

Rabbi arini kaifa tuhyil Mawta

« *Ô mo Seigneur, montrer moi couma To faire revivre bane morts.* »

رَبِّ زِدْنِي عِلْمًا

Rabbi zidni ilma

« Seigneur (Ô Allah), augmente ma connaissance. »

Sa c'est ene *duah* tous les temps mo fine conseils bane membres du Jamaat lire beaucoup et surtout bane étudiants ki pé faire zot l'étude.

Ena aussi ene *duah* très intéressant ki trouve dans Surah Nuh, Verset 27 contre bane mécréants:

رَبِّ لَا تَذَرْ عَلَى الْأَرْضِ مِنَ الْكَافِرِينَ دَيَّارًا

Rabbi la tazar alal arzi minal kafiireena dayyara

« O mo Rab, pas laisse aukaine de bane mécréants vivant lors la terre. »

رَبَّنَا آمَنَّا فَاكْتُبْنَا مَعَ الشَّاهِدِينَ

Rabbana aamana faktubna ma' ash-shahideen

« Ô Allah, nous fine amène la foi, alors compte nous parmi bane témoins. »

رَبَّنَا افْتَحْ بَيْنَنَا وَبَيْنَ قَوْمِنَا بِالْحَقِّ وَأَنْتَ خَيْرُ الْفَاتِحِينَ

Rabbanafta bainana wa baina gaumina bil haqqi wa anta khairul fatiheen

« Ô Allah, faire ene jugement claire entre moi et mo bane l'ennemies. To même le meilleur des juges. »

قُلْ أَعُوذُ بِرَبِّ الْفَلَقِ ۝ مِنْ شَرِّ مَا خَلَقَ ۝ وَمِنْ شَرِّ غَاسِقٍ إِذَا وَقَبَ ۝ وَمِنْ شَرِّ النَّفَّاثَاتِ الَّتِي تَنفُثْنَ ۝ وَمِنْ شَرِّ حَاسِدٍ إِذَا حَسَدَ ۝

Qul 'a-uuzu bi-Rabbil-Falaq, Min-sharri maa khalaq; Wa min-sharri gaasiqin 'izaa waqab

« Dire: Mo cherche refuge auprès du Seigneur de l'aube, contre le mal de séki Li fine créer et contre la nuit kan li couvert partout. »

Toujours mo présente zot certains *duahs* encore. Ena ki fine révéler aussi, et ki capave déjà existant et ki trouve dans Quran, Hadiths ou ailleurs et même bane *duahs* ki jamais avant fine révéler. Allah conne mieux. Mais tous sa, c'est bane *duahs* ki Allah révèle à So serviteur choisi. *Alhamdulillah*, mo bizin bien reconnaissant envers mo Maître, Créateur du monde entier. Très certainement, par la grâce immense d'Allah, mo senti moi très

chanceux ki Allah (swt) pé enseigne moi sa bane *duahs* là et mo pé distribué sa trésor spirituel là avec ou et ou aussi ou bien chanceux dans sa siècle là kot ou pé gagne sa bane trésors spirituelle là. Séki ene croyant bizin maziné toujours, séki c'est Allah ki bizin primer dans so la vie.

Donc, mo contigner avec bane *duahs* ki Allah (swt) fine montrer moi:

رَبِّ لَا تَذَرْنِي فَرْدًا وَأَنْتَ خَيْرُ الْوَارِثِينَ

Rabbi la tazarni fardaw wa-anta Khairul Waritheen

«Ô mo Seigneur, pas laisse moi tout seul, et To même meilleur de source de génération.»

Donc, si nous analyse sa *duah* là, guetter couma Allah (swt) fine accepter sa *duah* ki Li-même fine révèle moi et sa *duah* là fine accompli après ki le mainstream Jamaat Ahmadiyya fine mette moi dehors du Nizam-e-Jamaat et dire moi alle forme mo Jamaat et avec l'arrogance fine dire, ene aller, millions pour rentre dans Jamaat Ahmadiyya.

Azordi, eski ou pé trouve millions pé rentre dans Jamaat Ahmadiyya et ici, azordi comme le Khalifatullah de sa siècle là, mo capave dire, par la grâce d'Allah, ki bane dimounes pé rentre dans le Jamaat Ul Sahih Al Islam par groupes dans plusieurs pays, tel couma Comores, Mayotte, l'Inde - Kerala - Tamil Nadu, Malaisie etc. C'est ene grand grâce d'Allah, ki Allah pé ouvert les cœurs de sa bane dimounes là pou reconnaite ene Khalifatullah et pou accepter so mission parmi zot tous dans sa siècle présent là. Donc, en toute humilité, mo dire ki Allah (swt) pas fine quitte moi seul. Malgré ki c'est Li le meilleur héritier ki ene dimoune capave souhaiter ena, mais en plus de So présence, de So confiance et de So l'amour ki Li fine répanne lor moi, Li fine donne moi bane disciples dans plusieurs pays à travers le monde entier. C'est sa ki appelle faveur divine et aussi prouve la véracité de So serviteur choisi.

Donc, mo pour bizin arrête là-même à cause faute de temps. *Insha-Allah*, la semaine prochaine mo pou contigner lors le même sujet. Mo termine avec sa zoli *duah* ki Allah fine enseigne moi là:

O Allah! To même ki exister depuis toujours, et To pou contigner exister même, sans ene la fin; C'est Toi seul ki mo chercher, c'est Toi-même le But de mo l'existence. Sans Toi, mo ene nannié ditout. O Allah! Mo assoiffé de To l'amour, complète To l'amour dans moi. O Allah! Mo ene misérable ki recherche To pitié. Complète To pitié dans moi. O Allah! Mo fine perdi dans l'obscurité du désespoir, et c'est Toi-même Mo l'espoir; complète To lumière dans moi afin ki mo vine sa *Siraj-um-Munira* (Lampe

éclairant) ki puissant dans sa siècle là, ene tel la lumière ki pou effraye tous bane Satans. Faire moi vine ene tel lumière, de To Lumière afin pou guide l'humanité vers Toi seul.

O Allah! Content moi pou tous les temps (car To péna ni commencement ni la fin; To exister de tous temps). Illumine moi par To la lumière éternel, et toujours guette moi avec ene lizié d'amour et de miséricorde. Certes, mo conné zamais To pou abandonne moi. To même ki fine élève moi et c'est Toi seul ki dirige moi dans le droit chemin et To enseigne moi couma pou guide bane les autres de To bane serviteurs vers To droit chemin. En Toi mo place mo confiance, et c'est Toi seul mo réconfort; ene réconfort ki pas ena ni commencement ni la fin. Celui ki gagne Toi, O Allah, Li vraiment chanceux. Faire moi vine To l'instrument ultime dans sa siècle là ki pou illumine les cœurs de To bane serviteurs, de tous bane humains afin ki zis Toi seul rester dans zot les cœurs et ki zot pas dévier de To droit chemin.

O Allah, But Ultime de mo l'existence. Accepter mo bane *duahs* ki mo faire Toi. Mo ti ene ignorant, et c'est Toi ki fine enseigne moi saki mo pas ti conné. Reste toujours avec moi, car c'est Toi seul Mo pli grand soutien. *Ameen, Summa Ameen, Ya Rabbal Aalameen.*